

覺州觀土

庚子

覺止山人
書看



光緒三十二年歲
在丙午桂秋開刊



緒言

衢州府志之脩也以康熙辛卯閱今二百年矣
西安縣志之脩也以嘉慶辛未且百年矣龍游
亦康熙舊志續葺未成其成於近三十年間者
江耳常耳開耳參互攷訂疏漏不免益之舊版
齟蝕重鋟滋譌起而正之殊難其任茲因

朝廷崇尚學務以鄉土編入教科不揣謏陋謹就
管見畧陳一得區別門類提綱挈領務求簡易
編成四字韻文用課初學都凡上下兩卷名曰
一八卷上
一
危言明非執一守故也亦以日出日新期諸後
來云爾不其自識

上卷標目

建置

古蹟

職官

鄉賢

僑寓

下卷標目

文學

戶口

交通

風俗

山川

種族

治績

閩淑

方外

軍事

財政

典禮

物產

埧商礦

卷上

例言

一文明之源關係地理是編所紀人文地理居多
一是編限於尺幅只舉犖犖大者勿以罍漏譏
一府縣志已登者從畧未備者補之誤者正之閒
有異同者兩存之

一旁註依據原書未免傷煩不能不有剪裁識者
諒之

一唐以前郡縣同名西安者如漢書齊郡有西安
水經注豫章有西安今西安志中劉粹吳猛均

卷上

係誤收細爲鑒別概不闌入

一前刊有陳某西安志正誤一書紕繆百出切勿
援以爲證

一五邑之事脈注綺交不憚曲引以明之然總以
府城爲主要

一是編爲教課初學文從狃淺畧加音注
區區見聞容有未逮尙祈

博雅重加釐訂

初學 衢州鄉土厄言

不其編輯

通典衢州

左傳見姑蔑之旃注越地會重陽
太末縣按漢屬會稽晉入東陽

水經注太末越之西鄙姑蔑之地秦以為
縣王莽之末理按漢書作末治唐人避諱

衢本揚州

越之姑蔑

秦郡會稽

縣分太末

太音

元和郡縣志吳大帝赤烏三年改太末為龍邱隋末廢貞觀八年又置

按晉宋書

龍邱襄陰九峰山明成化七年析入湯溪境
按長莽時吳人後漢書注引東陽記作長

太末故墟

夷為龍邱

九峰隱處

丹竈猶畱

後漢郡國志劉注太末初平三年分立新安縣

水經注新安縣晉太康三年改曰信安
元和郡縣志作元年以宏農有新安改

晉書地理志東陽郡吳置三國疆域補志作寶鼎元年

漢季新安

太康改信

隸入東陽

由吳逮晉

卷上 建置

水經注定陽縣漢獻帝分信安立溪亦取名宋書州郡志
建安二十三年孫氏立府志作四年誤按故城在西安東

元和郡縣志隋初置定陽縣隋末廢按隋書
只信安一縣屬婺州下有定陽溪無定陽縣

定陽舊縣

東溪之湄

或非孫立

始終自隋

唐書地理志武德四年平李子通置衢州六年廢垂拱三年復置讀史方輿紀要謂宋宣和三年方臘作亂始築今城

昔有人脩城掘得唐磚有尉遲敬德監造
六字可辨今城脚間尚有之但於書無攷

厥惟今城

實唐初置

尉遲所營

史失其氏

咸通臨安志貞觀元年分天下十道隸江南東道開元三年分十道採訪使通志開平道圖八百江南道揚州之南境衢屬東道

通典衢州或為信安郡寰宇記天寶元年改為信安郡乾元元年復為衢州

開元十道

隸江南東

州或為郡

復於肅宗

元稱郡縣志衢州信安上信安望郭下常山上東至州八十里龍邱繁西至州七十二里須江上
北至州九十五里宋西安望江山繁龍游上常開中元龍游上西開中江常下按即衢繁之謂也

郭下信安

為衢州望

龍邱縣繁

須常皆上

唐書武德四年又置穀州及白石縣八年省

又證聖二年析龍邱置武安縣寰宇記謂常山須江
陽置以武安山名龍游志神龍元年省按故城在縣南

又如意元年析龍邱置蓋川縣元和七年省入信安

別有穀州 置而旋省也省廢 白石武安 盈川來併

唐書及輿地廣記並云咸通中改西安文獻通攷亦云唐縣寰宇記以為吳越改非以縣有信安溪一統志亦名西溪故名

咸通中葉 更號西安 西溪繞郭 意取安瀾

西安唐初信安龍游唐龍邱常山唐初定陽江山唐須江

吳越錢王 據兩浙境 四邑仍唐 西安首領

十國春秋地理表及吳越世家寶正六年張邱為臺不祥改龍游宋史作龍遊 寰宇記武德四年置須江縣因南有須江為名八年廢永昌元年又置錢鏐改為江山輿地廣記有江郎山謂之須郎山按隋書自江山

龍游獻瑞 祓除不祥祓音弗 須江之域 山有江郎

唐書地理志咸亨五年置常山縣名勝志以縣東常山名常山志一名長山按長山縣今金華非此 芹嶺開 吳越地理表置開花場輿地廣記乾德四年化西南 置太平興國六年升為縣寰宇記吳越置縣

常亦山名 字別為長 接於芹嶺 開化啟場

卷上 建置

宋史地理志衢州信安郡輿地廣記天寶元年曰信安郡皇朝因之按咸清臨安志衢為浙東路 龍游志宣和四年詔避龍字諱改盈川紹興元年詔復宋史宣和三年改省志建炎三年復按宋本寰宇記作隆邱

宋信安郡 浙東衢州 盈川避諱 即是隆邱

宋地理志江山縣南渡後改禮賢志作咸清誤按故城在今城南禮賢鎮 又常山縣咸清三年改信安按二縣皆至元復名見元史

南渡禮賢 城南鎮在 咸清信安 實常山改

元史地理志至元十三年平江南改為衢州路 明史地理志元衢州路屬浙東道宣慰使 太祖實錄龍鳳五年乙亥取衢州路改為龍游府明史同方輿紀要作八年

迨至元間 升衢州路 明祖取之 改龍游府

明史地理志丙午年復為衢州府龍游志作丁未方輿紀要及一統志府志江山志均稱癸卯按太祖於甲辰稱吳王丁未建元始不用龍鳳年號

既而復舊 統五屬縣 大清定鼎 相沿不變

衢州府今為衢 衢疲難三字 惟江山一縣 繁難三字要缺

今府要缺

屬衝繁難

衝疲難者

縣有江山

西安常山衝繁
龍游衝難中缺

開化無
字簡缺

繁難兩衝

西常及龍

開化無字

簡而非中

此言五邑方向
四至八到詳下

衝地形勢北寬
南狹弧三角形

府東龍境

江偏於南

常開西北

弧角成三

南界處州遂昌在
龍西江三邑東南

東界金華湯溪向南
蘭谿向北昆連龍游

北界嚴州壽昌在西龍兩
邑北遂安在西安極北

以上本
省界

東南枯蒼

迤東蘭湯

坵西龍北

遂安壽昌

府西南江山南接
福建浦城縣界

常山西接江
西玉山縣界

開化西北接安
徽婺源縣界

以上外
省界

西南浦城

西玉山道

西北婺源

合為八到

卷上 建置

三

此言五邑形勢
及道里之數

開化本析常
山西境置

西龍江地

橫狹縱長

為正負角

開割于常

据今測西至八到積里
開化得五百四十五里

西安得五百
三十一里

江山得四百
九十五里

龍游得三百八十六里
常山得三百二十四里

疆域開寬

西亦相若

江更次之

龍常稍窄

全府開方合計
所得里數如下

面積方里

長短截補

六千五百

五十有五

右建置

方輿紀要三衢山在常山北
昔有洪水暴出派分三道

見通典及元和郡
縣志大平寰宇記

兩廣兩湖
閩贛皖浙

有三衢山一衢以名郡 或曰康衢 路通八省

中國山脈悉由崑崙來分支南嶺至仙霞入浙嶺在江山南高三百六十級凡二十四曲有關

府城山脈自城南九龍山來明余數中有三衢來脈賦

南嶺山脈 向仙霞行 蜿蜒盤折 九龍入城

府城相傳 九龍之地 峯連崢嶸山有石龜 上建府署俗稱府山

周密草窗詞伴居據龜 按府志府官各阜下瞰萬室外環四山 署均在此山

地總九龜 龜峯居首 俯覽萬家 黃堂太守

孟郊崢嶸嶺詩坐嘯郡齋蕭又高門結朱華 按此足見唐時郡署已在此城非宋建可知 柯山紀事崢嶸山下五色人家舊有洪黃藍陸白五姓

郡齋坐嘯 高門朱華 崢嶸瑞靄 五色人家

山在城南寰宇記石室山名石橋 道書青霞第八洞天 王質觀棊爛柯事載 相連有王貴山 山空石山按洞有石刻天生若梁字 爛柯山志景華洞天 述異記他書作聽琴 貴質弟同八仙

爛柯石室 青霞洞天 觀棊一局 兄弟皆仙

卷上 山川

通典江郎山發地如符有三峯寰宇記昔江家兄弟神化於此方輿紀要一名金純山在縣南 白居易詩安得此身生 羽翼與君來往醉煙霞

金純三峯 高與雲齊 煙霞羽翼 白傅詩題

泉嶺山西安志東南一百里通典及寰宇記縣南二百里朱買臣曰越王居保泉山一人守險千人不得上即此江山志又云仙霞嶺古泉山也按漢書師古注謂泉山為泉州之山恐非

泉嶺山高 越王保障 一夫當險 千人可抗

陳書蕭異傳自信安嶺與王琳潛通又王質傳度信安嶺依雷異又 隋書地理志信安縣 弟回度東嶺居信安並詳後軍事按今志不載惟知城南西安嶺頭 有悲思嶺今無可攷

信安東嶺 古皆用師 名於隋志 更有悲思

唐書地理志龍邱有岑山方輿紀要岑山在縣南十五里 自金華望之正當其面因名婺女照臺山俗呼筆架山

金華南來 婺女照臺 形成筆架 發達文才

常山東北二十五里趙清獻 府東十里雞鳴山亦 公讀書處一名清獻書巖 清獻讀書處有塔

趙公巖深 讀書故處 塔下雞鳴 五更風雨

翠光巖龍游西北六里緣溪石壁風景絕佳明少保胡宗憲駐師賜此青藤先生徐渭伐石留題

古木萋萋 石壁臨溪 翠光滿目 青藤留題

文獻通攷江山有騎石山寰宇記山下有石如人騎馬昔有神巫以印指馬頭馬頭即落 與騎石相望為景星山初名 明知縣余一龍 突星宋紹興中知縣楊雲改 改騎石為步鼈

騎石神人 馬首相向 對面景星 步鼈而上

名勝志西安鸞籠山一名繡峯有三鳴一池皆稱奧區又 按即飯甌山俗有西安 江山鸞籠山有龍飲下為水簾泉若輕綃高挂柳屯田為記 半甌江山半甌之說

仙非逸少 攜兩鸞籠 水簾高挂 如繡芙蓉

蟠桃山開化東北五里桃花時 天童八仙山開化北五十里相傳唐道士鄭 望之如蒸霞其南有王母山 去奢煉丹於此感天童下降按鄭龍游人

王母桃花 燦爛如霞 天童下降 感艷去奢

卷上 山川 五

西安北六十里有太真洞洞門石刻第一洞天四字再去三十里有白塔洞深不可測江山東南空里有羅漢洞言有羅漢至此履跡猶存又縣西二里有目連洞目健連修行處政和間掘得青提夫人碑乃目連母也

太真白塔 羅漢目連 豈真古洞 多住神仙

衢為浙上游南際歐閩北抵歙睦諸 明史地理志衢江大溪自江山 縣之水會於城下達於浙江以入海 流入與常山西溪合自雙港口

錢塘入海 源發衢江 逆流而上 港口成雙

水道提綱金溪出開化馬金嶺為 方輿勝覽穀溪出西安合江山常山之水 常山港文溪出仙霞嶺為江山港 眾流混波東逝 輿地志穀溪之水交錯如羅紋按即穀水

金溪文溪 分納眾流 穀波如織 承其下游

東溪今名東嶺港源出遂昌之周公源 由雞鳴山下與西溪水合即古定陽溪

東溪水合 激石潺湲 迤入百里 來周公源

蘇姥灘俗名蘇木 趙清獻詩淨石 蘇姥灘俗名蘇木 趙清獻詩淨石 蘇姥灘俗名蘇木 趙清獻詩淨石 蘇姥灘俗名蘇木 趙清獻詩淨石

灘下有淨石潭 仙人迹尚存

蘇姥浮石 仙迹尙存 牒牀采帖 夕陽有痕

方輿紀要浮石潭下有帝王灘相傳明太祖江右旋師駐蹕於此

然宋楊萬里有地黃灘詩則非由明太祖得名

帝王駐師 譌傳明祖 誠齋遺詩 地黃名古

團石潭在龍游櫟溪即柘溪在西安孔洙江南野史云團石潭出狀元櫟溪通出相公宋時劉章余端禮皆驗並見揮塵錄又程大昌演繁露云水打浮石圓龍游出狀元

團石狀元 櫟溪相公 櫟音 地靈人傑 水利攸通

桐山源即銅山源并雙橋源出章戴港鳳山源即芝溪源俗稱上方源出盈川潭均在西安北靈溪源出遂昌爲靈山港東北流入穀葉溪源出松陽合馬報溪西北流入穀均在龍游南

桐山鳳山 靈溪築溪 支流南北 匯合東西

聖塘即神塘唐書地理志神塘在西安縣東五十五里開元五年因風雷摧山堰澗成塘溉田二百畝按今稱聖塘源通龍游南鄉

聖塘故事 溉田有因 摧山成澗 感風雷神

卷上 山川

廣輿記開化白鰕池相傳趙抃鎮蜀時以白鰕寄余氏池中後生息不絕移他所輒變色按周洪有記

余氏池中 白鰕如雪 受化趙公 生息不絕

按龍游舊志有穀江浮橋宋宣和間設爲衢州有浮橋之始不知何時廢光緒十五年高令英新設平政浮橋

浮梁之設 路通要津 穀江故蹟 平政方新

方輿紀要通和浮橋在府西門外萬曆三十九年創又東磧浮橋在府東十里按今廢又江山東一里大溪一名鹿溪舊有浮橋縣南十五里清湖有九清浮橋又開化城東舊有和平通濟橋明洪熙間改浮橋今改作渡其地尙稱浮橋門

通和公行 東磧存名 和平通濟 鹿溪九清

右山川

地理歷史 攷古不厭 陳迹攸存 爾為紀念

殷浩宅在城南晉書浩征姚襄敗績坐廢信安終日 九域志土人號曰殷牆明縣志縣南六里信安故城 書空作咄咄怪事四字唐薛逢詩紅樹暗藏殷浩宅 中有石室神為介冑像按今城內亦有殷冢山故址

紅樹四圍 將軍故宅 此中有人 書空咄咄

周召雙橋隨筆府治內舊有郭璞 墓明守李遂發得石荀二有記 今祀為 石將軍

郭璞疑冢 荒土一堆 將軍柱石 擎天有才

西門內有古天 俗傳竈磚一夕造成恐謬志稱崇禎壬午八月大風 吹墮塔頂上鑄有梁天監年號是郡未建先有塔也 王寺志無年代

天王古塔 萬竈飛博 始梁天監 遠在城先

女樓一名發女樓唐會昌中崔耿為 守重作更名東武以識世封有記

樓以女名 躔次在葵 崔耿守邦 更曰東武

卷上 古蹟

唐侍郎徐安貞隱處名侍郎巖城東五十 里有空中樓閣架木懸崖間即九仙巖

侍郎遺躅 樓閣玲瓏 飛仙拔宅 來往空中

城北清獻故居宋史杜廬 一濯纓亭 母墓縣榜其里曰孝弟處 召公建 冷齋夜話趙閣道休官歸老作高齋而 居之技志載有逸老亭後為清獻書院

孝弟古里 濯纓取清 高齋逸老 時聞書聲

南渡孔端友負孔子楷像來衢因建思 魯閣奉之今尚存又有孔傳刻聖像碑

思魯閣中 崇奉楷像 聖道南行 高山景仰

因學紀聞衢州稽古閣書皋陶謨于 屏其上梁文有皋陶者稽古云云

皋陶稽古 用勗諸儒 顧名斯閣 大書特書

周密長亭怨慢序先君子監州太末時作堂曰嘯詠後俯官河 相望一水則小蓬萊在焉按郡治事在宋瀛祐間志失無攷

崇居龜阜、嘯詠堂開、憑闌俯瞰、有小蓬萊

元柳待制集有留宴衢州平山堂詩

按貫曾為江山教諭

平山堂景、一小揚州、昔年柳貫、觴詠句留

古蹟叢多、不勝箸錄、樵牧餘歌、付之鄉曲

右古蹟

民族觀念、人文攸關、悉心攷察、得見一斑

卷上 種族

周官職方氏有八蠻七閩史記武帝平閩越徙其人於江淮間卽此族也統屬南蠻

五嶺以外其族繁多通稱百粵亦作越有南越閩越

地近七閩、介在百粵、其初居人、大半蠻族

吳越春秋少康封其庶子於越號曰無餘

無餘受封、實為夏裔、漢種人來、逐漸南徙

詳見韓文公集衢州徐偃王廟碑在龍游按徐戎種也在江淮間稱淮徐淮夷又徐方

龍南靈山有偃王遺跡亦稱徐山又唐薛逢詩綠羅深覆偃王祠今廟像少年俗謂徐王太子疑非偃王或章禹也

爰有偃王、徐戎稱霸、三十六國、被其感化

左傳昭三十二年吳滅徐徐子章禹斷髮以奔楚按史記吳世家泰伯文身斷髮越世家亦云文身斷髮據漢書地理志越人文身斷髮以避蛟龍之害是斷髮越俗章禹從越人居也韓碑云徐之宗族第子散之徐陽二州間是已

其後章禹、斷髮奔楚、影響越人、散布各所

韓碑云衢州故會稽太末也民多姓徐氏据此則斷為徐淮族與吳越族混合無疑

姑蔑之墟 遂多姓徐 自時厥後 五方襍居

一統志三國吳遣征虜將軍鄭平以三千人守
崢嶸嶺接一作五千亦作千人參看僑寓軍事
按鄭平將卒多成家於此而不返者
如徐福三千童男女入東瀛故事

三千戍卒 守崢嶸山 有如徐福 入海不還

衢之世族多
南宋移居者

宋室南遷 名流星聚 寄民益多 遂成安土

此種不知來自何時不
嗜豕肉不與漢族通婚
一作謨哈默
德回教之祖

有回回種 不與襍婚 祖摩訶末 自稱教門

會稽盤弧遺種順治間由交趾遷處州見吳世涵平昌詩草始惟居於松遂幽僻處
今靈山深谷中多有之吳詩注會婦雷藍鍾盤婁五姓相為婚姻此但傳其四姓

靈山道中 盤弧畚客 雷藍鍾古 語言懸隔

卷上 種族

九

右種族

漢書百官表縣令長皆秦官萬戶以上為令減萬戶為長晉書職官志縣大者置令一人小者長一人
据此令與長有大小縣之別三國賀齊傳稱太末長晉江適傳稱太末令則知漢縣小而晉縣大也

衢之設官 初惟縣令 疆宇頗寬 統攝諸政

文獻通攷武德元年改郡為州
太守為刺史按衢州四年始置
十國春秋百官表吳越州
有刺史或知州有判州事

唐改為州 因除刺史 吳越知州 有判州事

文獻通攷宋沿唐
制州有錄事參軍
又太祖命朝臣出守列郡號權
又乾德初置諸州通判
知軍州事軍謂兵州謂民政
公事須參議方許行下

宋重軍事 官有參軍 朝臣出守 通判權分

元史百官志至元初置諸路總管府二十年定十萬戶
之上者為上路達魯花赤一員總管一員按衢州上路

泊乎元代 達魯花赤 統轄各員 總管同秩

明制知府糾察吏治綜督諸事佐貳有同知通判推官其屬經歷知事照磨檢校凡七員衛無檢校

知府明起 糾察各屬 衛無檢校 佐貳者六

金衢嚴道兼管水利 分防江山 事務駐衢為分巡道 峽口鎮

且言今官 同城道府 同知分防 縣各一主

明史布政司員有金衢嚴守道駐省按察司分巡道有杭嚴道金衢道方輿紀要金衢道兵備會事按東華錄順治朝馮如京徐來麟畢振姬甯之鳳俱金衢道參政又杭嚴道魏允執猶承明制康熙初裁併乾隆十八年裁去參政銜

初分巡道 祇領金衢 嚴封杭郡 參政銜除

雍正十三年工部尚書徐本浙江 總督程元章會奏請將衢協改鎮

閩越伏莽 不時出沒 改協為鎮 雍正之末

卷上 職官

同知康熙三十九年裁舊署在府西雍正十三年復置 皇朝通攷康熙六年 東華錄道光十二年閏九月裁衛 移峽口按陳述經峽口同知廳壁記時臺灣朱貴亂 裁府志作九年設 州糧務通判按慶署在道員巷

督捕同知 移駐峽口 推官既裁 通判踵後

西安全旺龍游湖鎮常山草坪 草坪 開化金竹嶺今移華埠均巡檢 作草坪 江山廣濟水馬湖丞兼管 巡檢事駐清湖即清湖司

全旺湖鎮 草坪金竹 比于四司 惟廣濟駟

右職官

唐李華有衢州 刺史廳壁記 康熙縣志 作李藻

宋毛憲亦有 郡守題名記

刺史廳壁 李華題記 毛憲繼之 名復失次

唐書肅太宗第 三子吳王恪孫 蘇州志唐信安王府在長 丹鉛總錄載衢州斷碑詩薄煙 一景雲元年一 洲縣間邱坊有藏春園 縣遂郊遙峯沒歸翼即禱句也 開元二十四年

信安王禕音 姑蘇開府 畱蹟柯山 刺衢兩度

均徐氏見昌黎 徐偃王廟碑

堅嶠父子 向放祖孫 復祠俎豆 手澤常存

前定錄貞元六年豆盧異謁郡守鄭式瞻夢 兆二十年後守此果驗因作徵夢亭於署

豆盧謁鄭 下榻禮隆 廿年徵夢 勝碧紗籠

唐書于邵京兆萬年人 貞元八年貶衢州別駕

文苑英華有于邵 送竇蔡二秀才序

西掖舍人 左遷至此 竇蔡受知 于公下士

十國春秋鮑君福字慶臣餘姚人吳越武肅時為衢州應援指揮使刺史陳章叛晉之終不從吳將周本守信 州屢窺境君福率數千人追之遁去在衢凡十二年子修讓知衢州按府志父仕唐子仕吳越並列刺史表

鮑家世守 蒞衢有年 內訌外患紅 處之泰然

卷上 拾續

泊宅編天聖間陸同判衢州有肉起天庭之瑞相主封公當 時不驗至孫佃入政府贈司空按府志載陸佃為通判誤

天聖判事 人稱陸同 孫佃應兆 位進司空

宋史晏敦復以不附和議忤秦檜自言薑桂之性到 老愈辣請出知衢州今府治前有晏公祠禱雨輒應

敦復貶出 朝廷遂南 薑桂性辣 與民以甘

宋史袁甫嘉定七年進士第一知衢州立 旬講務以理義淑士心歲撥千緡養士

袁甫旬講 理義淑人 為養士費 歲出千緡緡音

宋詩紀事錢惟演贈章衢州詩平檻曉波吳榜遠遶城春 樹越禽飛按章名謙亨嘉熙三年知衢州兼浙東提刑

平檻曉波 遶城春樹 章使君來 香花夾路

元史良吏傳白景亮字明甫南陽人善 書算為衢州路總管按田畝均徭役

白公總管。明法善算。按畝均徭。民氣紓緩。

廣輿記明知府羅瑜數辨疑獄民不敢欺有假賺得財懼而賣妻以償者瑜曰民窮而犯法畏法而棄妻守之過也贖其妻還之按府志有唐瑜無羅瑜俟攷

羅瑜治獄。民不敢欺。還妻引過。眾望歸之。

蘇州志沈杰字良臣長洲進士宏治間守衢為宣聖嫡孫疏請世襲五經博士崇節趙清獻祠又為濟陂修堰民田得灌溉

以上府官

沈杰善政。崇聖尊賢。更興水利。澤及民田。

三國志吳賀齊傳山陰人為太末長平亂府志西安志均作建安十六年太末令

晉書江道傳潯人為太末令深山中自命數百家恃險為阻道召其老厚加撫旬月間糧食而至朝廷嘉之州檄為潯

漢太末長。賀齊有名。江道繼軌。亡命更生。

梁書劉騶字彥和東莞莒人天監初為太末令政有清績

舊龍游志有梁太末令將匠道李按姓氏源將匠氏風俗通云漢官有將匠少府園官為氏一作將匠氏據此道李其名

梁代劉騶騶音協清績可紀。故志流傳。將匠道李。

卷上 治績

陳書儒林傳梁世百濟表求講禮博士詔令訓行還除給事中定陽令

按常山志以梁陳不志州郡疑定陽之廢在梁末陳初觀此足證其誤

陸詡講禮。奉使東洋。教民孝悌。歸化定陽。

舊唐書楊炯華陰人為四傑之一選授盈川令張說稱楊盈川按在如意元年龍游志載中宗時

葉開性自娛集注炯因早禱雨不得投井死民祀為城隍神

初宰盈川。唐賢楊炯。天旱焚炷炷音汪身填古井。

舊唐書第五琦長安人以富國強兵之術自任天寶初官須江丞時太守賀蘭進明甚重之祿山反奏為錄事參軍遂收所陷之郡

琦丞須江。專講富强。奏參軍事。果中興唐。

李肇國史補李邕為衢州刺史以候高試守縣令高策杖入府以議百姓按不言何縣

李翱來南錄元和四年在衢州與候高宿石橋據此是西安令

策杖入府。令有侯高。石橋一宿。如列仙曹。

禕見前子峴承泰元年貶衢州刺史見代宗紀

李術信安令年代無政府志云見舊經

唐書宗室世系表上盈川令杜一作杜府志西安志同作杜龍游志李杜隴西人文宗時龍邱令俟攷

禕峴刺郡 信安李術 盈川令杠 亦埒宗室

宋史趙師旦知江山縣斷治出邑吏不能得一錢棄物道上人無敢取後死僕智高難極過江山哭祭於路數百里不絕

趙公師旦 遇事明斷 道無拾遺 痛死於難

宋史宗澤義烏人為龍游令民未知學建庠序設師儒風俗一變按志載元符元年

赫赫宗澤 出宰龍邑 興學崇儒 風俗移易

兩浙防護錄宋張應麟作西安丞築石室堰垂成山水暴漲應麟衣冠乘馬入水死民祀之時見白馬往來堰上云清熙二年贈少卿志作應麟今有祠

石室洪濤 張公盡命 白馬雲端 英靈未泯

朱子大全集常山村翁蒙之字子功崇安人趙鼎喪自嶺表歸郡守章傑機蒙之檢其遺草以媚執蒙之不從指俸助鼎葬士論高之

尉雖官卑 不為義屈 願捐清俸 而掩忠骨

卷上 附續

宋史王應麟字伯厚慶元人清所元年進士調西安生簿民以少年易視之應麟權之以法遂立辦

少年王郎 秩惟主簿 執法如山 民誰敢侮

明府志步從信雜揚人太祖為吳王時知開化縣創治立學任滿民不忍其去歌朝天曲以美之

從信愛民 創治立學 繫我去思 朝天一曲

明府志張江號盤溪廬陵人知西安縣興學校明鄉約役義倉均徭役子視其民民歌詠之名曰稽古化民錄立生祠於羅漢寺又遷顯報寺

稽古化民 撫之如子 盤溪張公 生祠立祀

明府志余一龍字汝化婺源人嘉靖進士知江山縣廉明慈愛惟以民事為重民祠祀之縣舊無城創議建造按湯幢小品先有仙示江山縣欲城直待金龍興余至果應其名

余公廉明 深得民情 金龍預兆 無城有城

舊縣志花上苑南充人崇禎四年知西安縣政尙知綏以德化民凡構訟必令退思三日乃就訊

花令上苑 務德化民 退思三日 自得情真

舊縣志內拱微字暉山沔陽州進士順治十一年知西安縣臨政和平歲旱素服草履步禱者月餘捐俸築石室壘立祠祀之按祠在城南有望柯樓

素服禱雨 澤及農功 望柯樓上 崇拜白公

浙江通志陳鵬年字滄洲湘潭人康熙三十五年知西安縣清釐田畝留心水利善政不可枚舉官至總督河道諡恪勤

以上縣官

滄洲惠政 美不勝書 至今田賦 食公之餘

右治績

府治前有太末雄藩坊

太末雄藩 送生賢哲 鄉望攸歸 著其卓卓

卷上 鄉賢

三國吳志虞翻傳太末徐陵下注陵字元大歷三縣長所在著稱遷零陵太守時朝廷後以列卿之位故翻書曰元大受上卿之遇叔向在晉末若於今其見重如此

徐陵仕吳 歷三縣長 識人仲翔 比之叔向

兩浙防護錄晉徐宏字聖通太末人習韓詩春秋舉孝廉為汝陰令時有童謠曰徐聖通政明公平刑罰奸宄空遷扶風守戰死祠在馬報山

聖通美政 具應童謠 扶風戰死 忠勇常昭

南史隱逸傳徐伯珍字文楚東陽太末人少孤貧無紙以若葉學書應召便退兄弟白首時稱四皓按寰宇記龍邱山有徐伯珍宅實龍游人西安志誤收

伯珍家貧 箬葉滿室 皓首窮經 杜門不出

陳書儒林傳鄭灼字茂昭信安人少受業於皇侃請授苦心熱若瓜時輒以瓜鎮心起便誦讀

好學鄭灼 以瓜鎮心 師事皇侃 名列儒林

舊唐書徐安貞信安龍邱人初應制一歲三擢甲科中書舍人遷侍郎手詔多出其手按新唐書安貞原名楚璧府志作楚王誤

楚璧應制 三擢甲科 中書手詔 視草尤多

唐書孝友傳序有信安徐知新徐惠誣事 實不詳按宏治府志傳有金芝靈芝之瑞

知新惠誣 並傳孝友 瑞錫靈芝 保艾爾後

宋史慎和禮衢州信安人父溫其仕錢俶宋興介俶子人親知禮官鴻臚卿自幼至白首歲讀五經子從吉俶之婿也 按府志知禮知衢州東美書舍利碑自稱承兆人疑以官為家據吳興慎氏譜云由西安遷則信安郡名常山志誤收

慎與錢姍 介藩入覲 知禮窮經 晚年彌進

開化志程宿字華寸太宗端拱二年狀元執政奇其文曰今之杜牧也除翰林承旨時契丹 屢寇邊詔入對諮以時政得失擢六州都事有功諡文熙西安舊志作西安人府志兩收之

程宿試文 才如杜牧 策定邊勳 威行異族

宋史趙升字開道西安人為御史彈劾不避權貴時稱鐵面御史知成都 以一琴一鶴自隨擢參知政事日所為事入夜必焚香以告天卒諡清獻 堅瓠集趙雙硯有言 清獻持一硯歸之語

清獻入蜀 攜鶴與琴 更傳一硯 鐵面冰心

卷上 續賢

宋史吼字景仁由蔭登第通判温州林謝事神宗擢監察御史以父老請外提舉兩浙常平元祐中復為御史父喪甘露 降墓木吼卒子雲又以毀死人稱世孝吼志作吼東坡集注吼清獻之仲子也清獻守杭吼將俸溫先歸觀而後之官

吼承先志 兩為御史 甘露降 天旌孝子

尚友續錄周穎字伯望江山人嘗貽書清獻當公心以事君平心以待物云云召試賜進士第王安石禮敬之 問新法何如對曰歌謠甚盛叩其詞穎高誦曰市易青苗一路蕭條即令出宰樂清宰門人私誣正介先生

周穎移書 規箴臺諫 青苗蕭條 丞相色變

堅瓠集衢州王中甫介守湖州有詩生若不為上柱國死時猶合代 聞羅忤安石被害按介常山人子漢之為龍圖閣大學士宋史有傳

王介抗直 死代閻羅 漢之繼志 秩晉龍圖

慎伯筠字東美以字行與東 坡友善又王逢原贈有詩 龍邑湖鎮舍利寺碑東美所書 九之字九種書法俗呼九之碑

慎子東美 詩酒娛情 九之遺蹟 變態橫生

宋史劉正夫字德初西安人除左司諫時方究蔡邕獄引淮南尺布斗粟之語以對 徽宗感動後充中太一宮使封康國公病革遺牘自書留神根本深戒持盈八字

正夫善諫 尺布回天 畱神根本 為子孫傳

宋史毛注字聖可西安人徽宗稱其知義遷侍御史極論蔡京又請留資籍三分暫存科舉以待學外之士按府志作江山人

毛注知義 特劾蔡京 請畱科舉 暫慰儒生

宋史毛漸字正仲江山人為荆湖北轉運判官時渠陽蠻擾邊朝廷議棄地漸曰蠻俗昨服不常非稍威以兵未易懷德今一犯邊即棄地非計也不報渠陽既棄蠻復大入後漸以破夏人有功

渠陽蠻擾 廷議棄地 毛漸建言 獨闢非計

宋史忠義傳徐揆衢州人由太學起嘗叩南薰門以書抵二酋請車駕還闕二酋見書以馬載至軍接厲聲抗論被害建炎二年追錄死節按揆西安人兩浙名賢錄作江山人誤

太學徐揆 投書辭迫 請駕還都 金人褫魄

宋史忠義傳徐徽言字彥猷西安人靖康初知晉甯軍金人陷晉甯罵賊而死謚忠壯按龍游志作龍游人誤

徽言罵賊 臨難不屈 節過真卿 忠貫日月

卷上 鄉賢

宋史文苑傳程俱字致道開化人官至徽猷閣待制著北山集此為葉夢得序中語

精確深遠 致道之文 麟臺故事 讜論上聞

呂防字大防龍游人與朱子同學

呂防學術 同乎紫陽 逸平教授 衣鉢惟楊

咸淳臨安志毛友靖康元年二月以朝請大夫延康殿學士知杭州按友西安人志載翰林學士亦見江山志端明殿學士不云知杭州府志知衢州誤

學士毛友 曾上延康 慕知非子 惠績畱杭

尚友錄徐嘉字吉卿西安人金主亮遣使請和嘉為館伴使敵使人不肯以書授中使嘉徑前奪書敵使氣大沮上嘉之孝宗即位高宗語之曰是嘗手奪國書者累官吏部尚書

館伴徐嘉 氣懾強敵 手奪國書 名聞登極

兩浙名賢錄鄭仲熊字行可西安人官簽書樞密院參知政事秦檜誣構趙令矜仲熊不附檜使臺諫交攻之落職居蕭寺二十年孝宗即位復端明殿學士致仕

鄭相仲熊 參知政事 不附奸秦 獨居蕭寺

宋史劉章字文儒龍游人紹興十五年狀元為禮部尚書嘗對上曰書生無他長惟菲儉自度晏嬰一孤
裘三十年人以爲難臣以爲易後以資政殿學士致仕諡文靖按宋登科記誤作江山人亦載江山志

劉章菲儉 處尚書位 晏嬰狐裘 自以爲易

宋史余端禮字處恭龍游人光宗有疾甯宗入即位趙汝愚
罷相端禮代之授少保鄒國公致仕諡忠肅子鏞工部尚書

甯宗正御 汝愚又罷 獨有端禮 計安宗社

宋史劉穎字公實西安人爲少宗正遇趙汝愚於廢寺立語曰寄謝余參政某雖去人才猶在朝廷幸善
待之穎曰相公人才即參政人才使果賢參政之責非宰相之憂也參政謂端禮既相多全善類穎之助云

公實有心 領相公命 廢寺談言 寄才參政

宋史馬天驥字德夫衢州人寶祐四年拜端明殿學士同簽
書樞密院事封信安郡侯景定元年知衢州按志作龍游人

受封信安 衢人宦衢 地方自治 可效德夫

卷上 鄉賢

宋史徐霖字景說西安人試禮部第一理宗稱
得人遷秘書省著作郎按撫州志作江山人誤
霖親面大慟見者駭然不知所哭傷世道也

秘書徐霖 殷憂世事 趙帥對泣 傷無同志

四朝聞見錄毛憲子自知進士第一御史發其延對力主恢復事且其父閱卷
駁之後授江東幹幕劉克莊贈詩有至尊殿上主文衡豈料臺中有異評語
按志稱毛自知宅在卧龍山
又狀元坊狀元峯俱以此名

自知對策 力主恢復 遭時異評 江東幹幕

宋詩紀事柴望字仲山號秋堂江山人除中書瀆祐
六月上書曰丙丁龜鑑放歸田里宋亡稱宋逋臣

丙丁龜鑑 柴望上陳 直言見放 爲宋逋臣

兩浙防護錄徐應鑣江山人居太學元兵至臨安作文祭
岳武穆祠率子女登梯雲樓縱火自焚死私謚正節先生

應鑣祭岳 慟不成功 太學正氣 突過陳東

廣輿記張宗元開化人仕元爲秘書少監
部使者余闢行縣作興賢坊以旌表之

博雅宗元 嬾與俗接 余闕旌之 興賢坊立

明史吾紳字叔紹開化人永樂二年進士官至南刑部侍郎性率直拜侍郎時了無供具司寇公曰叔紹學向敏中即

叔紹率直 寒素家風 侍郎行狀 模範敏中

明史金寶字用誠開化人當文皇入繼大統實以布衣詣闕獻書上親策之命入翰林紹熙初授左衛府長史召入西掖以備顧問晚號覺非以自儆按永樂廟號文皇帝

獻書詣闕 金寶布衣 西掖顧問 晚歲覺非

西安志葉貞字惟正永樂進士官翰林庶吉士預修大典拜監察御史彈劾不避權貴超拜副都御史益勵風裁吏部尚書楊一清奉詔修名臣都御史葉貞墓誌按貞有成祖疏都憲坊尙存

副憲葉貞 風裁嚴峻 上疏成祖 識其忠藎

明史鄭辰字文樞西安人授監察御史帝語方賓曰是真國家耳目臣遷侍郎

錚錚鐵面 繼有鄭辰 辨冤明察 爲耳目臣

卷上 鄉賢

兩浙名賢錄陸和字子達江山人永樂己丑進士爲監察御史巡按中外凡九年風裁嚴肅號小鐵面

陸和風裁 中外共見 巡按九年 號小鐵面

余敷中太末集四世祖敬公永樂乙未進士福建道御史巡按交趾峩峩柱中秉德惟剛其贊語也

余君柱史 秉德惟剛 交趾巡按 威及南洋

兩浙防護錄樊瑩字廷璧常山人潔己好修正而不迂以南刑尙歸田時坐竹兜行田間曰非徒視稼將以勤之也

樊瑩潔己 垂老歸田 竹兜視稼 以樂餘年

分省人物攷王璣字在叔西安人嘉靖進士從王陽明先生歷陞右簽都御史又充淮徐等處按撫營田使歸里居十年營講舍

王璣談理 宗法陽明 歸營講舍 化導後生

葉秉敬字敬君方應祥字孟旋二人同學開西安文派者葉爲河南提學副使江西參政方爲山東提學兼山東參政並有政績

敬君孟旋 別開學派 經濟文章 令人崇拜

獻徵錄徐可求字世範號觀我西安人萬曆壬戌進士巡按四川因臺省二使召士兵激變盡節軍中 子應秋字石義號雲莊慷慨有學兩令劇邑典學東秋試後以平開寇功陞左布政使

可求撫蜀 殉難軍中 子能盡孝 以報父忠

儒林錄毛愷字達和江山人嘉靖乙未進士為刑部尚書時嘗劾發中貴人不法事朝政一清

尚書毛愷 劾發中貴 剛介可風 羣奸盡畏

丁元復趙鏜傳字仲聲江山人嘉靖丁未進士選翰林院庶吉士改河南道御史條上封事皆中旨榮與張居正同年獨不阿附

鏜自語

趙鏜封事 亶亶可聽 不阿居正 敢忘朝廷

國朝先正事畧陸桴亭傳葉毅良字靜遠西安人戡山高第也千里贈書討論先生喜曰證人尚有緒言吾得慰未見之憾矣按戡山劉宗周

靜遠先生 戡山高第 證人緒言 貽書千里

卷上 鄉賢

九

兩浙輶軒錄余恂字孺子號岫雲龍游人順治辛卯鄉舉第一壬辰進士官至左春坊左諭德著敦宿堂文集燕吟南蓬詩草龍游志嘗與瀛臺西苑顧問為人天懷坦白同僚呼為天機子

坦白為懷 余天機子 瀛臺西苑 朝夕入侍

江山志柴大紀號東山乾隆五十一年臺灣林爽文之亂大紀為諸羅總兵破賊有功當困難時 詔有大紀當糧盡力竭之時惟以國計民生為重古之名將何以加茲按事詳聖武記

大紀忠勇 平林爽文 糧盡力竭 猶擁孤軍

兩浙輶軒續錄戴敦元字金谿開化人乾隆庚戌進士官至刑部尚書協辦大學士諡簡恪與鍾駿序官比部與徐庶世刑罰必當外擢監司晉階屏翰所至有聲世簡易敝車贏馬惡衣蔬糲酒如也聰明天授過目成誦及周體宜夜少廣商功

金谿在朝 厚意恤刑 通麻祿術 上識天星

右鄉賢



漢書地理志越地牛女分唐崔耿女樓記衢地上當婺女之舍次

朝野雜記宋德壽官有信安趙夫人

衢值女宿。天生淑真。德壽宮裏。有趙夫人。

明史孝貞王皇后憲宗即位廢吳后而冊立之時萬貴妃寵冠後宮后處之淡然宏治朝為皇太后后正德朝為太皇太后上尊號曰慈聖康壽崩合葬茂陵按后家西安樓山後史作上元人俟攷

孝貞王后 淡處椒房 三朝輔政 既壽且康

圖繪寶鑑楊妹子寫琴鶴圖不特琴聲入耳而鶴舞之態得傳清獻之孤高真在九臯上也或曰是清獻之妹或曰公之女也或又曰公媳

宋楊妹子 寫琴鶴圖 弈弈生趣 妙態獨殊

西安徐侍郎敷言女朝天集詩內有跋悟空道人墨迹云臨安教授蔡詵之之母徐氏竊行自號悟空道人學虞書得指法多手鈔佛書按遂初堂書目有徐夫人集

悟空道人 手鈔佛書 由來淑性 自得真如

琴窗小錄趙明誠妻李清照因避洪州亂嘗載輕軸小卷寫本李杜韓柳集世說鑿鐵論石刻鼎彝及南唐書數篋之衢按趙明誠湖州守

名媛清照 閨閣逸才 載書盈篋 避亂曾來

卷上 閨淑

謝葉子奇草木子至正間衢州陷龍游一何氏女為兵所掠髮覆題詩投水死有失身無補君王事死節難酬夫婿恩語

君王無補 夫婿難酬 妾甘一死 身葬東流

江山志元娘徐應鑣女元伯顏入臨安同兄琦崧作絕命詩隨父登梯雲樓縱火自焚以求免翼日投井死互見兩浙防護錄

元娘絕命 傷國無君 全忠全孝 自誓梯雲

咄咄譚康熙間耿逆遣將曾養性窺衢村女綠娥被掠死有紫荷囊露紙半角中有詩云妾分自甘拚一死捷音猶逐夢魂來

養性窺衢 綠娥殉節 魂夢捷音 荷囊滴血

右 閨淑

往來孔道 寓公寔多 亦有遷徙 自外蒐羅

一統志吳郡平以千人戍崢嶸嶺名勝志咸熙元年平遷至光祿大夫食邑信安

漢末鄭平 來鎮崢嶸 信安食邑 斬棘披荆

陳氏譜宏字伯猷閩中人太康初授崢嶸鎮總管封信安侯遷家於此明初加贈常邦感應侯今祠墓在城皂木巷

晉有陳宏 起家西蜀 加贈甯邦 於茲聚族

杜山在龍游北以杜如晦所居得名

杜昂明南京工部主事遷北京員外

銅峯在西安北今名杜澤

山以杜名 如晦所寓 世為冬官 銅峯移住

陸贄嘉興人諡宣公貞元間往江南見衢地山川之勝欲居之買田千畝擇城西為宅後貶忠州乃以田給祥符寺十二世孫宇監西安銀場稅遂家於此以承先志

宣公賢相 言炳如丹 有田負郭 付與僧餐

卷上 僑寓

趙鼎解州聞喜人傲居常山忤王安石罷相有丹心未泯誓九死以不移語卒諡忠簡

墓在城北石門山每旦雲出東馳則雨西行則晴所謂石門佳氣也

趙鼎倔强 丹心常存 至今佳氣 猶靄石門

趙令矜太祖五世孫居三衢子子晝字叔問大觀元年宗子進士第一宣和初編修九域志南渡居信安山中奉祀家居築崇蘭園於城南與程俱諸人唱酬按尚友錄令矜居衢開化志又云子晝居開化

天潢世胄 九域編修 築崇蘭圃 文酒交游

朱子嘗寓超化寺怡顏二字其遺額也明胡翰有怡顏齋序按朱氏譜朱子十一世孫照娶徐霖女家衢冬乙酉觀此於淨石州中時浙東飢甚

二字怡顏 晦翁墨迹 東浙憂飢 感生浮石

放翁詩隨牒人間不自憐衢州孤驛更蕭然

又有奏乞奉祠歸衢州皇華館待命詩

陸子隨牒 孤驛蕭然 皇華館裏 待命多年

南渡時孔端友負檣像來衢至洙五世元世祖欲封之以墳墓在此讓襲封於按明史衢州孔氏南宗正魯世祖曰遠榮不違道真聖人後也按端友孔子四十八世孫與從父傳同來德元年授世襲五經博士

孔氏南宗 上承端友 洙遜襲封 真聖人後

洪武初知府黃爽同知余伯梁並為開衢名宦有遺愛同家稱

以上並見流寓志

開衢名宦 惟黃與余 遺愛溥及 同此家居

歸安慎氏譜始遷祖鏞衢州西安人天聖三年進士出知湖州愛吳興風景遂家焉按鏞從吉子錢做外孫

慎鏞出守 以官為家 吳興風景 水木清華

常山志詹暄堯臣後也徙玉山子丕遠元祐三年進士官右正言按堯臣吳越時常山令家於常

堯臣詹氏 後有詹暄 玉山聚族 子仕正言

杭州志趙清獻公于岷元祐初為於潛令在任九年專以興學勸農為務卒於官卜葬渚山之麓次子憲廬墓因家焉百姓致甘棠之思名其山曰棠公山

清獻知杭 惠及農桑 子為潛令 思致甘棠

卷上 流寓

三

蘭谿志清獻八世孫景文遷蘭谿子姓昌盛遂占蘭谿至嘉慶間以衢嫡支無人仍復入繼

趙氏後裔 景文八世 遷徙蘭江 還宗入繼

金華詩錄金仁山祖籍三衢桐山峽口徙蘭谿桐山下自號桐陽叔子仁山名履祥

桐陽叔子 住桐山間 金蘭徙宅 仍號桐山

常山志徐廣居洪武初為瓊州萬甯稅課副使年五十七生子以常名識故邑也有遺詩家萬甯及常長登承樂進士公務至浙歸家有詩云不因仗節來江浙孤子安能識舊家按登科記作祥

廣居念舊 生子名常 若非仗節 安識家鄉

右僑寓遷徙

中國社會 僧侶無關 卻有高行 表表塵寰

城北五十里明果寺大徹禪師法號惟寬唐貞元中僧事詳景福傳燈錄及白居易傳法堂碑今肉身尚在俗呼草鞋佛

明果大徹 草鞋成佛 千年肉軀 尚存遺骨

五燈會元衢州南禪寺遇緣禪師有俗士號鐵脚者忽騎馬至僧問既是鐵脚為甚麼騎馬師曰腰帶不因遮腹病幘頭豈是禦天寒

遇緣悟道 騎馬莫盲唐切 世路如此 鐵脚難行

西湖游覽志西湖淨慈寺原名慧日永明院周顯德元年錢王俶建迎衛僧道潛居之王夢十八巨人隨行因作羅漢堂

慧日永明 道潛開院 倡于錢王 夢阿羅漢

佛名慧通泊宅編婺州有僧嗜豬頭號豬頭和尚三衢守名師食自牖窺之見一鬼從旁食師無預焉即亡知是定光佛也 吉祥院今名天甯寺古佛居此肉身咸豐間燬

古佛定光 豬頭變相 吉祥院中 實開方丈

卷上方外

龍龜洞在城北名勝志有彭大佛入山聞樂聲跡之見有官人采女酒肴盛設請大佛供應佛以未著七條衣倉皇辭避既出遂失所在

有彭大佛 入龍龜洞 鼓樂聲聲 舞衣相送

江山志南臺宋僧有詩云南臺靜坐一爐香境界蕭然萬慮忘不是有心除妄想都緣無事可思量

爐香靜坐 無事可思 南臺和尚 猶有遺詩

名勝志宋比邱尼劉鐵磨參禪於子湖巖聞禪師言汝是劉鐵磨乎曰不敢師曰左轉右轉尼曰和尚莫顛倒有悟遂備花接子湖巖稱鐵磨巖又師姑巖

鐵磨參禪 子湖巖下 左轉右轉 一時倒化

右方外



初學 衢州鄉土卮言
便讀



不其編輯

浙東文藪 稱小鄒魯 代有聞人 通經好古

隋書經籍志周易問答一卷揚州從事徐伯珍撰按西安志誤增信安人

周易問答 始徐伯珍 列隋經籍 今無傳人

王荆公集劉牧墓誌字先之其先臨安人曾大父為吳越將刺衢遂為西安人宋藝文志教有新注周易卦德通論周易先儒遺論九事易數鉤隱圖

經義攷陳氏希亮鈎易圖辨紹興書目作辨劉牧易

劉牧注易 闡發先儒 陳氏辨之 為鈎易圖

卷下 文學

經義攷徐庸其先汴人仕錢氏宦衢因家焉庸直集賢殿上周易意蘊又作卦變解矯漢魏諸儒失

徐直有周易意一卷學意蘊一卷

徐數言有易說一卷二五君臣論一卷

徐庸意蘊 卦變窮源 直綿其學 繼有數言

二書見經義攷余端禮著俱佚

周易啟蒙 尚書說畧 端禮遺篇 惜乎散落

尚書解十六卷陳振孫書錄解題稱柯山夏僕撰集二孔王蘇程陳之說楊升菴集明太祖始定科舉詔從之經義攷僕字元肅龍游人

柯山書解 語宗諸子 明代制科 詔從夏氏

續通志禹貢指南四卷宋毛晃撰經義攷作二卷明文淵閣書目有禹貢指南一冊不著撰人疑即晁書崑山葉氏葉竹堂書目亦有之按晃字正叔江山人

禹貢指南 書稱詳覈 棗竹藏書 僅存一冊

古三墳書一卷中興書目元豐七年毛滂奉使京西得之唐州民家

宋藝文志毛滂詩集十卷

京西奉使 書發三墳 毛詩家學 具有遺聞

呂東萊集張淑堅墓誌字正卿其先自開封遷衛宜止承節郎有詩書解合三十卷書錄解題作開化人經義及書佚宋志無

尚書詩解 題張淑堅 不標宋目 墓誌流傳

宋藝文志鄭庠詩古音辨一卷書錄解題鄭庠撰二卷庠為從政郎經義及庠亦作庠按庠開化人開化志失載

詩古音辨 宋志鄭庠 見於書錄 犀從政郎

劉章一字文儒 二書皆標題龍游劉章著亦載江山志

文儒立言 意在崇聖 非非國語 並刺刺孟

元吾邱衍一稱吾衍西安人亦見龍開志著重正卦氣尚書要略楚史構抗晉文春秋學古編周秦刻石釋音鐘鼎韻說文續解九歌譜十二月樂辭譜山中新話聽元集造元集篆陰符經古印式等

吾衍研經 尚心學古 音釋周秦 更造樂譜

卷下 文學

經義攷魯真周易注佚真字起元開化人元統二年舉人隱居不仕遠躬行實踐余闕薦之不起按真開化志作貞又著有中庸解春秋斷案古今文典起元集

魯真易注 亦著作林 春秋斷案 典集古今

四庫書目提要 汝備有元代蒙古學在府西安朱宗文著 西北金紫坊見宏治府志

蒙古字韻 見重於元 宗文譯學 善解方言

方應祥有易經四種一初談二雅言三指辨四狐白又青來閣文集

閣上青來 孟旋讀易 初談雅言 指辨狐白

四庫全書目錄云葉秉敬學頗淹通著書四十餘種又云秉敬淹貫羣書著述甚富按已入四庫者字學明謚考及詩言志等外有左傳綱領四書問聲表韻表經世要略數十種

葉子著述 淹貫羣書 包括漢宋 成一鉅儒

經義攷周一敬苑洛先生易學疏四卷存其自序稱家世治易四庫提要此書溯源明理遺末尋本按一敬西安人明末巡撫

以上 經籍

苑洛先生 家世治易 明理溯源 尋本遺末

擬耕錄蘭亭集刻乙集
十三刻有三衢板刻

蘭亭乙集 曾刻三衢 十三本內 此帖獨殊

阮氏四庫未收書目宋晁公武郡齋讀書
記二十卷南充游釣守衢時刊名爲衢本

郡齋讀書 晁公遺卷 游守校刊 衢本稱善

晁氏讀書志孔子編年三卷孔傳取左國公羊史記及他書所載孔子事以年次之又東家雜記二卷
纂其家舊聞軼事按續通志東家雜記字孔傳撰孔子編年五卷胡仔撰另一編傳孔子四十七世孫

孔子編年 孔傳所編 東家雜記 更記家傳

袁采西安人隆興進士著世範三卷周召雙橋隨筆稱
其物理人情齊家修己之事其備刻於唐宋叢書中

袁公世範 有神人心 雙橋展讀 稱頌於今

卷下 文學

常熟瞿氏鐵琴銅劍樓書目元本趙清獻公文集十六卷有身定元年陳仁玉序至治首元蒙古僧家奴鈞元卿跋
詩文各七卷補遺一卷附錄一卷又明成化七年順天府尹閻鐸重刊本詩文各五卷按今本乃嘉靖楊準翻刻

清獻全集 題至治元 成化殘本 楊準重翻

尚友錄毛維瞻西安人與趙林同邑相得爲山水之樂知筠州時與蘇轍相唱和
有鳳山八詠山房卽事十絕按江山志稱住江山鎮安今石門尚有維瞻白雲莊

鳳山八詠 山房卽事 維瞻詩名 亞於蘇子

毛友著爛柯集子并字平仲
梅磭詩話作毛堅平仲誤

毛友父子 並有文譽 儕于三俊 爛柯遺書

韓流礪泉日記西安毛升有文詞名四庫提要著
又鐵琴銅劍樓書目有優古堂
樵隱詞十五卷清麗芊眠楊慎詞品特爲激賞
詩話一卷舊鈔本題毛升平仲

樵隱新詞 升庵激賞 優古論詩 誰其嗣響

張道洽字實齋開化人宋進士爲真西山所取士官池州僉判
著實齋詩集有詠梅詩三百首最著名方萬里稱其篇篇有意

實齋詠梅 篇篇有意 滿面春風 宦情似水

府志世科表西安南門樓族有樓鑰孝宗隆興癸未進士參知政事西安志不載按宋史稱明州人文辭精博自號玫瑰主人有集百二十卷開化志引作玫瑰誤

南門樓鑰 精博文才 如何玫瑰 竟變玫瑰音梅

四庫提要庶齋老學叢談三卷元盛如梓著如梓衢州人庶齋其自號也崇明縣判官如以姑茂墓證章昭注國語之非頗見考據按章注誤以太末為今太湖姑茂子墓在龍游東二里東華山下

庶齋叢談 太湖辨誤 但据東華 姑茂遺墓

方豪字冕道號棠陵正德戊辰進士官至湖廣副使入明史文苑傳按志載著有棠陵集老農編洞庭煙雨編等十餘種

棠陵老農 等身著述 煙雨洞庭 猶思政績

四庫書目玉芝堂談 有談薈樓 在城北隅

玉芝談薈 攷古精詳 登樓縱目 四顧蒼茫

卷下 文學

四庫提要屈騷心印五卷夏大霖著大霖字用雨號梅皋蘭州西安人是編成於乾隆甲子因林雲銘楚辭燈改訂之所見有朱子來欽之黃維章三家本據大霖開化歲貢生誤入西安志

屈騷心印 大霖編著 改楚辭燈 闡三家注

張松坪夫子諱德馨咸豐癸丑入翰林官岳州知府酷好金石碑版手摹秦漢六朝初搢本成金石聚十六卷刊於岳署緝雅堂詩話稱其書指在存真政語自據心得 以上 稜著

岳陽署裏 秦漢一廬 物聚所好 雙鉤手摹

衢州學派 發源紫陽 心傳上行 分一瓣香

龍游呂防與朱子同學江山徐存龜山高第並詳前周穎祝常均出安定門下又柴禹功馮聲昆等與存同遊鄭升之又師事存開化鄒補之江介並受業於朱子

呂徐周祝 綿伊洛學 柴鄭鄒江 繼其芳躅

明郡守李遂克齋建講舍於城北王璣嘗講學其中璣陽明弟子也門人範克齋銅像祀之今尚存其地名講舍街菱湖諸君子皆有詩

陽明之學 發於克齋 巍巍銅像 臨講舍街

名儒輩出 教育宏多 人文所萃 資於巍科

毛白知開禧二年狀元雷夢炎清祐四年狀元並西安人

科名之盛 南宋稱首 毛雷大魁 步劉章後

厥後人才 習趨科舉 太學明經 幾成虛語

衢府學額二十五西安學額二十五廣額五又孔氏為至聖嫡裔康熙五十九年題准正額外取進二名坊西安學龍游學額二十江山學額十六廣額四常山學額二十廣額一開化學額十六廣額一

衢列上庠 學官有六 特崇聖裔 加進學額

卷下 文學

清獻柯山明正定志青霞及衢麓精舍

正誼書院本愛蓮書院因白鹿鳴書院乾隆五十三蓮池名乾隆十年改志小誤年西安縣謝最瀆建

舊六書院 僅存其名 正誼改建 後有鹿鳴

皆書院名

龍之鳳梧 常之定陽 江之文溪 開之天香

光緒戊戌改鹿鳴為求益學堂壬寅又改正誼為府中學堂改求益為縣小學堂各縣書院均改學堂

近今進化 大興學堂 東西科目 貫通兩洋

飲冰室有劫灰夢傳奇託名杜撰字如晦浙江江山人登場集唐云感時花濺淚恨別鳥驚心

講求新學 民智初開 感時如晦 夢醒劫灰

痛史有金奎衢州人在仙霞嶺聚義兵投文天祥事文新中國未求記有陳猛字仲滂衢州人通各國語與黃李二生相聚於旅順

金奎義概 陳猛譯才 勿因假託 迷誤將來

妾子之性 尤喜趨時 惜少教育 女學無師

進有志士 倡興天足 強國強種 端資體育

右文學

三國吳志賀齊傳太末豐浦民反轉守太末長誅惡養善期月盡平

太末吳地 古近蠻夷 豐浦民亂 賀齊平之

按後漢建安四年分太末立豐安縣其地有浦陽江唐縣浦陽五代浦江即此

卷下 軍事

六

嘉禾五年吳拜鄭平為將軍戍崢嶸嶺

嘉禾之際 乃有鄭平 崢嶸戍守 步武柴宏

一統志王象之曰昔有柴宏屯兵於此後為崢嶸

陳書留異傳侯景平後留異為信安令與王琳自鄱陽信安嶺潛通乃使兵戍下淮及建德以備江路

侯景之叛 留異南來 陰圖割據 兵戍下淮

陳書王質傳字子貞梁武帝甥封甲口亭侯率所部度信安嶺依留異陳文帝鎮會稽以兵助質令鎮信安縣弟固字子堅封莫口亭侯隨兄質度東嶺居信安縣

帝甥王質 度嶺依留 得兵助鎮 弟固來投

北史虞綽傳天水辛大德為信安令誅前羣盜與綽俱為使者所執會有詔死罪得以擊賊自効信安吏人詣使者叩曰辛君人命所懸不然無信安矣使者聞之以討賊志載隋大業九年

南北擾攘 此為盜藪 賴有辛君 庶得保守

唐書武德四年平李子通六年陷輔公祏按李子通輔公祏俱叛逆據城而志作祏誤

至唐武德始置衢城 子通公祐音迭次交兵

唐書李光弼傳代宗寶應元年浙東賊袁晁反台州建元寶勝以建丑為正月殘剽州縣光弼遣麾下破其眾於衢州西安志作乾元元年沿本紀誤通鑑載廣德元年

袁晁台寇 戰敗於衢 李公光弼 斷其根株

唐書僖宗本紀光啟三年十二月 按衢人但傳黃巢破城而不知陳僑事志載城南六里驛馬橋有黃巢月鏡州刺史陳僑反陷衢州 寨又方輿紀要府西十里巖山黃巢屯兵處僑與巢同時疑即其黨也

陳儒入城 事在光啟 當黃巢時 禍亂相繼

宋史兵志衢州禁軍曰宣毅設指揮一建炎後曰威果曰雄畧又衢州廂兵步軍曰崇節水軍曰採斫

宋置禁軍 循有宣毅 威果雄畧 廂兵接濟

通鑑徽宗宣和二年庚子方臘作亂十二月分兵陷衢州知州彭汝方罵賊死

清溪蠻叛 自睦來攻 罵賊而死 知州盡忠

卷下 軍事

方輿紀要史浩帥閩時過仙霞嶺會募人以石甃路至今為天壘之雄關凡用師於閩浙者率以此為要道

史浩帥閩 過仙霞嶺 石路初開 地稱險峻

韋居安梅磻詩話丙子司糾三衢四月二十三日西安管下諸郡草寇攻城甚急守將孟茂適午後城破西安令趙若鏐被難按丙子宋恭帝熈德二年而端宗是景炎元年也是歲宋亡韋時為西安巡檢

德祐景炎 南宋殘局 元兵未臨 草寇猖獗

元史至正間伯顏不花的斤守禦衢州時陳友諒侵信州引兵往援力守危城而死按伯顏不花的斤 御批通鑑改作巴延布哈德克津信州今廣信府

漢王友諒 屢擾信州 伯顏死禦 得保無憂

明史常遇春由婺州移兵圍衢州以奇兵突入南門甕城毀其戰具急攻之遂下通鑑載在至正十九年伯顏被擒開平忠武王廟今尚存

開平兵至 直擣甕城 南門突入 雞犬不驚

方輿紀要帝王難相傳明太祖征陳友諒凱旋過衢駐蹕數日見前又城東二十里石巖寺有仙巖洞天四字太祖御書刻石

明祖旋師 於茲駐蹕 仙巖洞天 猶存御筆

明唐王半鑣太祖八世孫收衢州散卒入建甯即位於福州與魯王景亮字武侯吳江人時為巡按學政以諸葛自命丙戌八月盡節於衢王以海相犄角有黃道周諸臣佐之衢州屬焉事載東南紀事

勝朝鼎革 隆武卽位 犄角魯王犄音兒 景亮效義

順治二年十月大兵克徽州十二月進攻婺源追至開化次年開化士民先薙髮投順至八月征南大將軍貝勒博洛由金華入衢州擒蜀王朱盛濃樂安王朱誼石及總兵項鳴斯周王聞警救援不及

開化先投 征南兵集 生擒二王 救援不及

順治五年衢州賊魁趙之超起蔓延至臨安浙江巡撫蕭元起勦平之是年五月浙江總督移駐衢州

趙之超起 勢遂蔓延 總督移駐 事在五年

康熙十三年耿逆遣總兵曾養性窺衢州時李文襄駐衢偵得賊壘親冒矢石破之以上見東華錄 按北門關帝廟碑記賊營於西門外馬棚嶺風聞賊逆在內公率兵夜襲之賊潰獲其蟒袍玉帶銅大刀今尚存

李文襄公 親平耿逆 袍帶銅刀 戰功赫赫

卷下 軍事

咸豐戊午辛酉髮匪兩至 偽忠王李侍賢連陷江常兩縣義民與賊戰於大溪灘破之又進不能破時有鐵柯城之目 圍衢城左宗棠自率軍往援克招賢關李侍賢敗走詳清史攬要

從此柯城 遂鑄鐵名 左軍雲集 連退賊兵

衢鎮總兵順治三年設六年改協至 標兵為綠營按國初 原額三營官兵二千 城守營原屬提標後雍正十三年復為鎮統率四營兵弁 用綠旗以別於八旗也 五十七令已遞減 改隸處鎮旋復歸衢

衢標總鎮 統率綠營 領中左右 城守歸并并平

原制駐防郡城中營游擊一員與城守都司一員現三營守備同駐郡內 中營守備原制分防龍游今以千總

中營駐郡 與城守同 一遊三守 千總防龍

左營游擊駐常山 右營都司駐江山 原制左營守備分防開化今以把總

常左江右 兩翼分防 緊鄰開化 資轉于常

浙閩楓嶺營駐仙霞關 舊隸處鎮雍正末歸衢 蘭谿汛分防把總屬衢鎮中營

上自楓嶺 浙閩交錯 下逮蘭谿 由金分割

方輿紀要柏固寨在府東南嚴剝寨在府西南皆明初置有巡司又常山西有寶蓋洞正德七年姚源盜起置戍於此並置戍於白石濠院按柏固西安志作板固

柏固嚴剝 昔年設寨 白石濠院 勾連寶蓋

天啟府志圖說守仙霞以扼閩守秦嶺以制括防壽昌于梅嶺絕遂安于威嶺杜饒寇于歛嶺戶牖之計未雨綢繆者也

五嶺防禦 未雨綢繆 為今日計 扼重上游

方輿紀要圖經云守兩浙而不守衢州是以浙與敵也爭兩浙而不爭衢州是以命與敵也

全浙用兵 門戶先保 熱心愛國 識武士道

右軍事

卷下 軍事

通輿州郡信安戶六萬七千三百二十九口四十二萬九千一百六十二志作二百

又舊唐地理志天寶戶六萬八千四百七十二口四十四萬四百一十一

稽唐通典 信安戶口 六萬七千 四二萬九

元和郡縣志衢州開元戶六萬二千二百八十八元和戶一萬七千四百二十六按寰宇記唐開元戶二萬七千一百與此異

元和郡縣 上溯開元 六減去五 數太相懸

寰宇記宋衢州戶主客一萬九千八百五十九

元豐九域志信安戶主六萬九千二百四十五客一萬七千五百五十一按此知寰宇記不實

太平寰宇 戶別主客 主六客一 詳載九域

宋史地理崇甯戶十萬七千九百三十一口二十八萬八千八百五十八元史地理志至元戶十萬八千五百六十七口五十四萬三千六百六十按兩朝戶相當口幾增至倍

至元編戶 十萬八千 五十四萬 口賦倍前

舊志明初戶一十二萬三千八十九口五十三萬六千九百六十末較元代增一萬有奇終明之世有減無增

皇朝通攷浙江丁糧雍正四年攤入地畝

明增戶口 約一萬零 我朝雍正 併入地丁

皇朝通攷康熙五十年徵糧丁冊定為常額其新增者謂之盛世滋生永不加賦

盛世滋生 編立清冊 綜覈丁糧 仍從明額

府志嘉靖間西安戶二萬二百九十一龍游戶二萬三千六百六十九江山戶一萬五千五百六十九常山戶一萬四千二百四十九開化戶二萬八百五十二合九萬四千五百五十七此後遂無定數

西龍二萬 開化其次 江常萬餘 合九萬四

由是版籍 遂無定數 但攷州縣 實徵田賦

地丁銀西安五萬四千四百八十五兩龍游四萬一千三十七兩江山三萬四千三百九十二兩常山二萬五千四百七十六兩開化一萬七千六十六兩

西安五萬 龍四萬一 江三常二 開一萬七

卷下戶口

襍稅西四百十八兩龍五百二十兩江七百八十八兩常三百十兩開二百六十兩倉穀西一萬六千四百八十八石龍一萬七千九百石江二萬一百四十八石常一萬二千四百四十五石開八千五十五石

襍稅江多 更有倉穀 南米折色 總七萬石

据同治十一年撫院楊飭統查江山有十九萬三千八百三十六丁口近年生息尚多餘四邑不過十二三萬而已

就今人數 江山稱最 四邑雖差 亦十萬外

右戶口田賦

綜言財政 錢幣為先 再及稅務 推算緡錢

文獻通攷錢幣宋神宗時錢有銅鐵兩等兩浙路行銅錢

宋時錢制 銅鐵兩程 在兩浙路 惟銅錢行

南宋行會子法續通攷錢幣嘉定四年以會子折閱不行遣官體訪江浙諸州袁說友疏言外郡尤弊砂毛減輕稍遠而衢信一千止得六百以下按會子與交鈔同以楮爲之即鈔票

變而會子 砂毛減輕 衢稍僻避 折閱六零

府城南利用坊俗稱鈔庫前相傳宋寶鈔局故址利用殆其庫名也按常山志宋徐從吉官衢州寶鈔局大使府志作元人恐非

時則衢郡 寶鈔局開 利用鈔庫 大使曾來

咸豐末因軍需鼓鑄咸豐當十大錢設局於祥符寺

近咸豐間 軍需告急 鑄當十錢 不久銷滅

通攷坑冶唐凡金銀鐵錫之冶一百八十六衢州有銀冶按府志作銀鐵冶新唐地理志載西安下注有銀

衢有銀冶 創自唐人 備載地志 西安出銀

卷下 財政

十一

通攷坑冶宋興產銀五十一場衢州之南山北山金水注舊有靈山大中祥符三年廢按府志云唐置

宋銀場四 靈山廢置 南北兩山 尙有金水

理宗時陸宇監西安銀場稅按西安志流寓宇宣公後人

爾時州縣 各設監當 宣公後宇 來稅銀場

又產銀三十六場所衢州見三志稱與銀場同名

三十六務 產鉛之所 衢見三場 同產銀處

元史食貨志產鐵之所在江浙省曰衢州按葉秉敬府志龍游縣鐵課一萬五千斤萬曆後折銀一百八十兩

元產鐵所 浙有衢州 萬五千鐵 課出龍游

宋史食貨志通攷鹽鐵台州黃巖出鹽給衢婺等州

衢非斥鹵 水質不鹹 宋初鹽法 取給黃巖

州監鹽稅味置元以後不設

宋史錢顛稱鐵肝御史府志云監衢州鹽務稅史不載俟攷

監鹽稅務 曾設專官 神宗之世 有錢鐵肝

通攷征權熙甯十年以前商稅歲額衢八務在二萬貫以下按府志作七務恐誤

睦六務處七務

熙甯商稅 衢見八務 三萬貫下 介於睦處

又權醕酒課歲額衢四務於全浙最居少數稅五萬貫以上

酒課四務 稅五萬上 較之全浙 抑何多讓

又權茶凡買茶折稅受租同山場送六推務屬之衢屬海州

又有茶稅 統推務六 衢屬海州 遠航送鬻

卷下 財政

士

又崇甯元年諸路置茶務場衢即其州

迨崇甯初 置茶務場 衢卽州地 歲額爲常

西安志流寓宋樓璩監征來衢又府志僑寓金徹由侍御史調任江山稅院按卽征商稅

宋史張奎傳監衢州酒府志表作茶務恐誤按奎字拱微見靈隱題名

樓璩金徹 代傳已久 史係張奎 監衢州酒

武繼忠監龍游茶鹽酒稅見舍利塔記府志載慶曆四年

今龍游城北有酒課廳故址宋權酒務處

茶鹽酒稅 武監名遺 今龍城北 尙有廳基

西安舊志流寓有陳師錫謫衢州監酒稅府志云在城酒稅按宋史本傳作衢州

又有監戶部贍軍酒稅朱子大全集有張大聲

又陳師錫 監酒在城 贍軍酒稅 監者大聲

宋監徵商稅元改稅務提領明稅課司設大使一人

宋諸場稅 元明除之 監當不設 歸稅課司

錢江歸安人獻釐捐策於糧臺 雷以誠各省仿行見金壺七墨

迄乎今代 摧稅尤輕 錢江獻策 釐捐始行

右財政

毛开站舟亭記衢州為州陸之會南 走閩西適楚距浙江五百里而近

衢居腹地 川陸交通 南北多嶺 溪流西東

成化府志衢為浙上游南際臨閩北抵 歙睦諸縣之水會于城下達于浙江

山源繚曲 水勢急瀧 匯流而下 達於浙江

卷下 交通

三

曾幾三衢道中詩 小溪泛盡卻山行

溪盡山行 時逢梅雨 回看他船 上灘知苦

常山至玉山 大道八十里

往來載物者惟小 板車與騾驢耳

常通懷玉 一日長途 牽車服賈 重載騾驢

山陰王霖過仙霞嶺詩山似蠶叢關 巴蜀水如魚腹下荆吳載榕城詩話

方輿紀要凡自浙入閩者皆由清湖舍舟登陸連延曲折逾嶺而南 至浦城縣有名之嶺五窰嶺茶嶺小竿嶺大竿嶺梨嶺俗名五顯嶺

蠶叢關蜀 魚腹下荆 過嶺以往 即為浦城

光緒十年於此置電綫 通閩省由浦城直上

初未設局往來由蘭谿遞轉丁酉冬始設 局於清湖以通浦城庚子因軍務移郡城

電綫之設 接連閩省 衢局中樞 龍江過境

西安土航驛龍游亭步驛江山清湖 廣濟驛通閩常山草坪驛玉山分界

設於二 十八年

馬遞步遞 速於傳令 越過重洋 大開郵政

壬寅之秋 創興警察

地屆通衢 往來駢錯 警務之設 以防標掠

浙閩鐵路係計畫未成者中國鐵路指南可攷

光緒三十一年美國柏士謀浙贛鐵路全浙志士合力爭之始得收回自辦

鐵軌計畫 初議通閩 改圖浙贛贛音 發起美人

近議鐵路數設至常玉交界處接贛線再另展支路以通閩

全力合拒 爭回利權 俟至常玉 支路再延

新政機關 此其發端 無慮萬里 在咫尺間

卷下 交通

古

右交通

儀禮飲射 均繫于鄉 從宜從俗 未可遽忘

俗凡年高受鄉飲之禮得賜衆帛頂戴者往往黃服壽補以為榮上有皇恩欽賜字

山居多壽 具有靈根 黃衣耆老 身受 皇恩

凡祝壽之禮親友或製朱屏或製錦軸多假名公以榮之

高堂具慶 愛日抒誠 朱屏錦軸 巨筆題名

通名或謂下茶或謂治茗即問名也行聘即納采納吉之禮皆男女行媒之事

具言婚禮

各有鄉風

通名行聘

大致皆同

扶新婦者謂之利市人
彩輿至期向前納萬福

交拜後令雙童子引
花燭前行謂之四相

彩輿入門

利市納福

交拜堂前

四相花燭

新婦出輿令捧寶瓶跨馬鞍謂之落馬保平安交拜後用布袋
貼地傳送入房謂之傳代江山通用席謂之傳襲實桃花女故事

捧瓶跨鞍

柔安吉語

傳代入房

出桃花女

撒帳後以小女子二人
添妝即所謂伴姑也

即合
悉酒

撒帳之下

二女添妝

引交杯酒

賀客餽房

次日謁見翁姑親族行三
本唐詩洗手作羹湯意
日廟見之禮亦謂之三朝
味辛取新俗呼辣湯

是夕以闈女十數團簇新婦而坐競鬪炫妝謂之
坐筵俗呼大桌按坐筵見袁簡齋詩又見紅雪詞

翼日廟見

晚進羹湯

珠圍翠繞

坐筵滿堂

卷下 典禮

五

新房謂
之洞房

事畢分散鍼帶於
親友酬謝習忙

洞房奩具

錦繡鋪陳

依散鍼帶

酬謝忙人

即孕
也
實取早
生之意

舉男則供親友以湯包即古
湯餅之意此惟行於郡內

女若有喜

棗糗催生

湯餅之設

古俗猶行

舊俗嫁女重奩有孕預期催生既誕則三朝滿月百息周晬一切小兒妝飾多出
外家雖貧亦勉爲之所以民多舉女不育者前輩徐日久周召痛議革之而不果

三朝彌月

百息周盤

所以舉女

合家不歡

喪事未殮
親友送被

以布答禮
謂之分白

邀僧道誦經懺作道場謂之
功德或一晝夜或三五晝夜

喪家大殮

答布分白

禮懺誦經

薦親功德

始死延道士查六輪迴經辨亡人
生肖所忌謂之斗書古曰批書

斗書輪迴 七日來復 接七歸魂 路頭號哭

靈前設金章 玉女携引旛

俗稱焚化有金山銀庫等 又延僧納其錢於天曹府

黃泉接引 玉女金童 金銀山庫 天曹路通

僧作目連狀男破地獄用瓦女破血 湖用碗僧卓錫破之亦謂之觀燈

破湖破獄 亦曰觀燈 除諸苦惱 仗目連僧

泮馘亦曰刈馘施食也然相傳諸葛渡瀘水時曾用麪包 代人首名以饅首言蠻人之首也据此仍當以泮馘為是

有等泮馘 狀取頭顱 供獻饅首 聞始渡瀘

葬日發紼則請衣冠者題木主送入附 題主者三人一居中坐左右介償相之 女子則送喪鼓 大徹并獻黃燭

發紼有期 衣冠題主 兒女孝心 黃燭喪鼓

卷下 禮

六

春秋節日如清明重 陽冬至則掃墓祭祠

春秋霜露 感觸孝思 節逢冬至 展拜墓祠

先人生日忌日展拜盡真 如遇冥誕慶祝如生時

事死如生 事亡如存 為慶陰壽 百歲報恩

右典禮

府城六門東迎和南禮賢今名光遠小南清輝今名通仙又稱前湖俗稱魁星 西航遠今名朝京俗稱水亭小西和豐今名通廣北永清今名拱辰俗稱浮石

衢地平陽 六門四鄉 風土樸實 多農少商

城內有貨郭 田數千頃

龍載恬衢州道中詩入城一椀賣漿燈又朱 益詩五更睡起人方覺沿巷聲呼賣豆漿

負郭有田 秋成穫稻 一椀漿燈 五更起早

廣濟安志太平寰宇記
並云俗信鬼神喜淫祀

民習越俗 迷信鬼神 癡心邀福 大半愚民

徐偃王廟
詳見前

古廟昭靈 徐王利澤 保我田莊 豐年大樂

獨多項王廟最著城北項山靈惠廟世傳羽有功德於民天旱禱雨輒應有唐賀蘭進明神
又宋詩記事燕三衢項羽廟詩則相傳已久然攷史漢羽並未至衢或其神將來徇下縣也

村民禱雨 入項圭山 重瞳遺愛 尙在人間

周王名雄新城人母病禱於婆媪傳母訃因死舟中今肉軀尙存城西
廟內古爲周孝子祠按卉庵據言神本端坐因母至起立豎一指云

周王孝子 獨豎一指 四月迎神 弦歌遍市

卷下風俗

七

南渡孔端友負聖像至鎮江舟覆見有紅袍神人逆流而上禱之香篆中結魯阜山
神四字見柯陽首廟殘碑論稱爲三聖又係以大王城隍廟祀等於社公令云云

魯阜山神 譌爲三聖 祀徧村衢 比之社令

城北小九華山供地藏
佛每歲秋間香市雲集
鄭萬年詩厭看香市紛
然開翻笑袈裟少得閒

地藏香市 盛集九華 旗鑼一闋 忙煞袈裟

王瑗之爲信安令有鬼自稱 歷嚴爲衢州刺史夢見一
姓蔡名伯喈見太平廣記 僭示先知事見前定錄

更有軼事 父老談資 蔡鬼冒姓 龐夢先知

唐時衢州民家有黃雞化爲 宏治中衢州鄒德明遇一女子
黃衣女子乞命事見靈應錄 賦詩化金龜入水見堅瓠集

聊齋志異有
衢州三怪

黃雞乞命 金鯉吟詩 五行志變 三怪呈奇

綜言習俗 最易轉移 風土各別 且誌四時

元旦燃爆竹焚相刺及利市香楮整衣冠拜天地祖宗開門先往喜神方出行或財神廟

元旦蚤起 爆竹更新 衣冠楚楚 方走喜神

新年以紅蔗一對挂門謂之簡節高或以給兒童

賀歲者多以名片投門而去

挂門紅蔗 節節皆高 到門一片 勉謝尊勞

元日以棗蓮糖汁代茶謂之甜嘴頭

是日若帶插花忌酒掃俗謂帶生日按本搜神記青洪君婢如願事范成大詞苑掃地頭打如願

棗蓮宜子 飴汁代茶 歡呼如願 茗帚插花

郡中古寺

新年四日 闐集天甯 百戲變幻 鑼鼓喧聲

卷下 風俗

六

立春前一日官府率僚屬迎春東郊春牛出小兒以豆六粒或七粒繫牛角為禳瘕災云

春牛挂角 豆粒勻圓 祈免痘患 保兒延年

上元十三至十五三日富家各出錢買燈謂之放燈

元夕沿街懸燈彩支高棚謂之燈棚

三日花燈 金錢可買 火樹輝煌 六街結綵

新婦以紅燈挂轎穿燈棚下為宜男兆俗謂鑽燈棚又云踏燈頭

龍燈索新婿家挂紅最為惡習事後則彩蟾色果送于其家

紅燈挂轎 喜報新婚 蟾蜍獻彩 送子入門

農家襍炒芝麻糖豆為殺蟲豸

是日晴雨可卜一歲之豐歉

二月二日 炒豆殺蟲 時逢晴雨 用卜年豐

上巳采菁花置牀枕可以辟蟻

寒食士女出遊謂之踏青節

采齋上巳

踏青寒食

士女如雲

遊行郊陌

清明日插柳枝於門或簪之

沿門插柳

一碧依依

誰家上冢

蝴蝶灰飛

清明迎賽城隍神會六門九處前後十日

清明十日

會賽城隍

萬家兒女

競鬪新妝

夏日曠炊餅及梅子櫻桃等

立夏啖餅

梅綠櫻紅

筍能撐夏

免嚇南風

四月八日出萬年青殘葉於門外令人踐踏之俗謂萬年青生日為萬年青燈頭

浴佛佳日

薙萬年青

團團烏飯

造作青精

卷下 風俗

是日亦謂牛忌日

牛王生日

亦與佛同

牧牛放假

頭簇花紅

午節作九子糗以餽親友家

天中角黍

雄黃酒杯

鍾馗降福

七日都開

是日各家懸蒲艾

艾旗蒲劍

繭虎宣驕

結長命縷

助七夕橋

六月六日曝衣可免蟲蛀亦以晒書

天貺曝衣

云免蟲蛀

天氣不佳

狗毛細雨

七月望日為鬼節各家以素食祀祖

牧童各採花簇牛角嬉遊田間謂之牛放假

九

艾雄黃 各家懸鍾馗像或作赤靈符按此風古行於元日 竹葉作七孔投之 繭滿酒 始唐明皇盛行於除夕始吳越王不知何時改變 戶外為送七日

婦女作繭虎或以絲纏艾虎戴之於髻 小兒以彩線繫臂項曰長命縷亦曰百歲索至七夕剪之裹飯送置屋角使鵲含之以布橋曰助鵲橋

是日浴犬河濱因呼是日雨為狗毛雨

延經作佛事名盂蘭會按譯言解倒也今用饊口或向河濱作水陸道場施放水燭

中元鬼節

素品堆盤

來餐甘露·會建盂蘭

用紙作包封識其外裝盤冥鏹謂之燒包俗稱封筒

人窮鬼富

箔錠如山

燒包封識

直到冥間

以五色芝麻作餅聯字畫其上

中秋享月

瓜果家家

糝麻作餅

五色生華

中秋夕以瓜芋送新房謂之獻生子

天仙送子

簫鼓騰歡

啟衾視之

泥芋一團

城西二里鹿鳴山舊有登高亭

重九登高

飲興劇豪

鹿鳴山上

載酒題糕

卷下 風俗

辛

秋成後鄉民多演戲報賽答神麻

迎神賽會

社鼓鼕鼕

沿村演劇

樂煞老農

冬前一日為冬除夕

冬逢除夕

圍爐合歡

如此凍夜

何以禦寒

臘月二十四日祀竈設糖果謂之竈糖

臘月祀竈

釘餛飩餅

司命不醉

直上天堂

彩勝俗謂百事大吉

歲云暮矣

爆竹連天

煥新氣象

大吉春聯

除夕俗謂長壽夜兒女守歲長者則給以大錢百枚謂之壓歲錢亦曰百歲錢

一週歲事 忙至除夕 兒女長壽 青錢滿百

諺云十年河東十年河西言易變也

畧舉梗概 用覘代遷 河東河西 豈待十年

右風俗

姊妹珍見逸周書王會解姊妹即姑蔑亦作姑昧珍珠也

光緒二十年間城南五十里許大河濱居民淘河得大珠數十顆可見古語不虛也

姊妹有珍 流傳甚古 蚌彩生輝 珠還合浦

衢橘出西常一帶濱河處

厥包橘柚 貢列揚州 秋風結實 奴婢干頭

卷下 物產

吳偉業詩三衢橘柚廣州柑新注引明統志衢州西安縣產御橘

鄭元祐送毛彥昭歸三衢詩橘熟黃香壓樹低按黃香橘之一種

橘有獅名 推為貴品 壓樹黃香 定知秋稔

通志衢貢藤紙通政衢州貢綿藤紙省志藤紙出開化亦見廣輿記 又按通典食貨衢州信安郡貢綿按藤紙即綿紙也唐地理志元和郡縣志及太平寰宇記均作綿紙 百屯紙六千張綿與紙似分一物

藤紙之貢 自唐代始 剝取藤皮 通稱綿紙

衢貨紙為大宗以竹為之出西安南北山龍游南山居多有南屏花牋等名色黃粗糙不中書也若不改良勢必處於劣敗宜籌之

易而用竹 不知何年 別于榜紙 南屏花牋

樟豫章也衢地多有之最巨者出樟樹潭 五指樟出柯山五指 一本挺立如五指 吳越備史陳章城衢州工畢獻圖王視西門梓樹 空謂左右曰此樹不入城章終非我裔後果叛

巨木惟樟 五指仙迹 吳越城圖 識章叛逆

容齋三筆大中祥符間玉清昭應之建丁謂為修宮使所用有温台衢吉之構又有衢州之朱土按集韻構陟畱切剛木也

構為剛木音生衢山中 當年丁謂 采修宋宮

又按容齊三筆衢州之朱土與宣聖廟之銀朱桂州之丹砂河南之赭土相等

聖即石灰也出常山 芳村灰埠等處佳

丹砂比價 朱土衢來 今惟白堊音煨石成灰

硯山在常山 南二十里

寰宇記衢州硯 堅潤畧亞於歙

浙江通志常山硯有玉帶金星二品頗貴重然不可得矣 陸深歙硯志三 衢絲石黑而頑

視山產硯 多堅潤色 玉帶金星 非同絲石

衢州石出常山石洪憲作石嵯溪明李日華六硯齋 三筆有吳山人家藏二石有十四峯二十四洞即此

衢州花石 傳出石洪 奇秀萬狀 有洞有峯

宋晁季一墨經有柯山松煙今失傳已久

癸辛雜識葉茂實三衢人造軟煙法墨色經久不渝亦自心懶 耕錄又陸友墨史載葉茂實黃元功春渚紀聞有三衢葉瑄

柯山松煙 見重墨經 葉黃善製 蔡瑄虛名瑄音

卷下 物產

三

即竹書箱劉禹錫權德輿並有衢州徐員外使君遺稿約及竹書箱詩又宋庠送從兄秘枝成赴衢州都據詩有汗竹書滕密句

汗竹書滕 極稱密緻 唐宋傳來 名標經笥

元和郡縣志衢州開元貢賦有紵布寰宇記 有白紵及大麻布按即夏布今皆來自江西

見前

白紵麻布 古亦有之 使君見遺遺去 禹錫吟詩

元和郡縣志衢州貢賦有龍鬚席及簞二物按寰宇記龍 游九仙巖俗稱新婦巖生龍鬚草席應出此今北鄉有之

寰宇記又 有生子簞

龍鬚織席 出新婦巖 簞而寢者 生子不凡

新唐地理志有竹扇亦見元和郡縣志元和貢賦及寰 宇記土產今江山女工以麥草織扇極工緻有名譽

惟扇一物 亦始元和 女工鬪巧 須江為多

香稻出開化雲臺鄉無多甚寶貴 不知蘇杭所在有之賈遠東豕也

雲臺香稻 實兆豐年 物稀為貴 美稱御田

府城出梨花三白酒實履升詩儂家新釀梨花白相約鄰翁共舉觴

此酒以冬釀陳久者良

酒斟三白 意取梨花 冬釀幾斗 藏之其家

舊志稱西邑產茶不多惟產北山者佳按宋曾幾有迪孫屢餉新茶詩欲作柯山點注柯山點即俗所謂衢點也

柯山在城南

北山茶味 勝南山間 何以衢點 偏稱柯山

集韻糖一名蔗糖今常山出蔗糖俗稱沙糖

周禮有麩黃按楊升庵外集以為麥芽糖今衢地多有之

糖為蔗飴 其狀如沙 更有麩黃音風今之麥芽

龍游出米粉乾極細有名

又有掛麩細者如銀絲

粉米成乾 實出龍游 銀絲貢麩 品列珍饈

卷下 物產

三

拍油一稱皮油榨取相子而成所以造燭

霜天烏相 煎取成膏 其白如蠟 蓮炬條條

相子取出白油後篩下黑子復碾成油燃燈極明謂之清油清一作青

容齋三筆衢州白沙渡題壁詩一點青油污白衣斑斑駁駁使人疑疑饒洗過千江水爭似當年未污時

夜讀寒窗 青燈一點 莫使污衣 斑斑留玷

獸炭亦名獅子炭

俗以衢產楠為紅老虎相油為白老虎炭為黑老虎

山鄉多材 燧木取火 撥取獸頭 亦黑老虎

西安城北峽口村產石榴俗傳有李貴人少時嘗以手指捻印成方石榴者

按李貴人事不可攷

石榴方種 產峽口村 有李選侍 手捻畱痕

葡萄有冬葡萄三種

冬筍出土 貓頭生春 凍雷一起 便爾驚人

帶地舊栽 桑樹頗多

植桑之法 初未精良 近知考察 先購湖秧

光緒七年開西邑令歐陽炬倡議購 湖州桑秧頗得法後又屢次購植 衢出紗絹見通 政及實字記

蠶絲出數 日見其增 衢紗衢絹 可望復興

初衙人但知柘子可製豆腐成縲縣吳德瀟宰斯邑見此謂可著野蠶因刊柘蘭譜 一書師其法購種於山東沂水並延其人教習試著此蠶於柘樹頗費經營惜無大利

柘子樹多 柘音 但知作腐 試養野蠶 仿柘蘭譜 柘音

朱邑三衙覽古詩 少種桑條與木棉

沙淤地少 植棉亦稀 若非買布 幾歎無衣

卷下 物產

三

昔時各商多販米 運蘇杭貨色而回

綜覈商計 取資蘇杭 大宗惟米 屢次告荒

其餘各貨 出入比較 輸入品多 輸出品少

建紙饒瓷 度山越嶺 舍陸登舟 於茲過境

急籌鐵路 開通市場 車站起卸 百貨繁昌

方輿紀要甯豆山府南七十五里舊出銀礦唐元和四年開五代錢氏復開又銅山縣西北百 里宋時出銅錫鉛明朝產礦處二郡民聚聚以礦於此嘉靖中官兵蕩平之因設兵戍守

礦產雖有 不甚豐富 其著名者 銅山爵豆

天下郡國利病書萬歷二十六年礦稅事起有謂開化六都大尖塢八都烏哨塢及哨都三處礦洞可開者曹內監委官馬忠至起工兩月採礦沙四千斤烹銀一兩不償所費由是礦洞仍封

開化礦稅 盛於前明 大尖烏哨 終歸無成

近日江邑產煤頗多

五金之利 不如良煤 取之不禁 是宜早開

杭紳私賣衙嚴溫處四府礦與義商惠工公司至今不能廢約

背賣惠工 豈甘輕讓 交涉維艱 盍深遐想

已亥衢城曾設農務局乙巳又設商務會

是故志士 農商為先 再求工藝 奪路礦權

卷下 物產

三五

土產饒多 自然之利 力出其身 貨不棄地

右物產商礦

